

**Inatsisartuni ilaasortaq  
Malik Berthelsen, Siumut**

**§37-mik akissut, Alcoa pillugu aningaasarsianut akileraartarnermullu  
pissutsit pillugit**

05.05.2011  
Sagsnr.  
Dok. Nr.  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@gh.gl](mailto:isiin@gh.gl)  
[www.nanoq.gl](http://www.nanoq.gl)

Apeqquutilliisumut apeqquutigisaanut qujavunga.

**Maniitsumi Alcoap aatsitsivissamik sulisunik kiniiserinik akikitsunik atuilluni sanaartornissamik kissaateqarnerani, sulisut tiimimut qanoq akilerlugit atorniarnera Naalakkersuisunit ilisimaneqarnerluni?**

Alumiiniumik suliniummut sanaartornerup nalaani nunanit allanit sulisut atorneqalissappata tiimimut aningaasarsiat 7-imit 10 dollarsit akornanniissangatinneqarpoq.

**Apeqquut siulleq ilisimasaqarfigisimagussiuk, sulisullu akikitsut atorneqassappata, Nunatta akileraarutigut aningaasat isertitassani qanormita amerlatigisut annaassavai?**

Suliniutip sulisartunut kiniiserinut kalaallinit aningaasarsiaqartitsisoqassappat GD-p inuiaqatigiinnut qanoq aningaasaqarnikkut sunniuteqassanera naatsorsorsimavaa. Tassuunakkut suliniummut aningaasarsiatigut aningaasartuutini amerleriaatit 1,7 milliard kronit pallissavaat. Isumaqqarpoq A-nik akileraartarnermut 500 millioner kroninik annertussilinnik inuiaqatigiit isertitaqassasut.

Kisitsilli pissusiviusuni annikinnerussaaq, suliniutimmi sanaartornermut aningaasartuutai ernianullu aningaasartuutit suliniutip ingerlanneqalerfiani nalikillissinneqassammata. Naatsorsuinerimi tassani nalikilliliissutit tamakkiisut maannakkut ingerlatsitsivinnut akileraartarnermut procentiusoq atorlugu ingerlatitsivinnit akileraartarnermit isertitat annikinnerusut, 400 mio. kr.-t missaannut assingussapput.

Allatut oqaatigalugu suliniut tamakkiisooq nunanit allanit sulisoqarnikkut 1,7 milliarder kroninik akikinnerulissasoq – inuiaqatigiilli sanaartorfiup nalaani A-nik akileraartarnermut isertitanik milliardit kronit affaanik ikinnerusunik pissarsissasut. Taamaattorli annaasat taakku piffissap ingerlanerani malunnartumik ikileriassapput, sanaartorfimmi nalikilliliissut annikinnerit ingerlatitsivimmit akileraarutinit isertitat isajuartut amerliartuaaginnarnissaannik nassataqarsinnaammata.

Inatsisartunut saqqummiussassatut Naalakkersuisut isumaliutigisaannik alumiiniumik suliniummut sinaakkutissatut atugassarititat pillugit takkuttussatut aalajangiussinissamut tunngavissiissutissami naatsorsuutaagallartut tamakku sukumiinerusunik nassuiarneqarnissaat uppersaaviginissaallu naatsorsuutigineqarsinnaapput.